

DISSERTATIO  
DE  
PLAGIO KA  
FUNGIANO

ANNO M CCCC LV. COMMIS

*Quam*

Indultu Magnificæ Jctorum Facult

SUB PRÆSIDIO

*Nobilissimi, Excellentissimi Viri,*

DN. GOTTFRIDI SV

Jcti, & Antecessoris in Academia Witte

Celeberrimi. Curie Electoralis, Facultatis Juridicæ, So

Concutorij Ecclesiastici, & Dicastrij Inferioris Luf

Allessoris. Eminentissimi,

*Juri*

DECANI,

Patroni ac Præceptoris sui Opt. Max.

*Ventilandam Exhibet*

JOHANNES-GEORGIUS PASCH

Dresda. Misnicus.

Ad Diem Decembr.


In Auditorio Jctorum.



4

WITTEBERGÆ

Typis Röhnerianis Anno M DC LV.



JOHANNIS - GEORGII PASCHÆ  
DE  
PLAGIO KAUFUN-  
GIANO  
DISSERTATIO

CAPUT I.  
De Filijs Principum.

- |  |   |
|--|---|
| I. <i>Liberi firma Imperij munimenta.</i>  | publ. est, si adsint filij legiti-<br>mi & naturales. |
| II. <i>Quos Principes olim adop-<br/>tare solebant in defectu a-<br/>liorum.</i> | IV. <i>Qui summâ curâ educandi.</i>                   |
| III. <i>Sed magis ex commodo Rei.</i>  | V. <i>Principes dolent, si amittant eos.</i>          |
|  | VI. <i>Ratio instituti.</i>                           |

I.



Raculum est, judice Lipsio l. II. Civ. doctr. cap. IV. non classes, non legiones perinde imperii munimenta esse, quàm NUMERUM LIBERORUM Tacit. IV. Histor. Præva enim aliorum spes cohibentur, si successor non sit in incerto, quoties impo-  
raturus omnibus non eligitur ex omnibus.

II. Hinc videmus omni modo Principes anniti, ut hæres Imperij, & quidem ejusdem spei plures extant, ne in uno capite salus & fundamenta vertantur, moverintque, qui spei improbæ accinguntur, non cum uno omnis labefactari, nec de fore facinoris cœpti vel perpetrati ultorem, Cyriacus Lentul. in Augusto suo. Hoc intuitu in defectu filiorum naturalium & legitimorum in Rep.

A

Roma.

Romana toties adoptatos legimus futuros Imperatores, Bodin. I. de Rep. IV. Adoptio enim est pedissequa naturæ. In regnis à Populo delatis id non licere H. Grotius existimat lib. II. de I. P. & B. cap. XVII. n. XVI. Unicus Galba securus pacatum Imperium tenere potuisset, nisi Pisonem sibi adoptando, successorem designasset, Henr. Zolner de Regis Romanor. Election. th. V. lit. c. Confer Cyriac. Lentul. d. loc.

III. Sed magis Resp. æterna constituitur, si nunquam deficiant Filii ex justo matrimonio suscepti. Hinc tot Principum suspiria, tot Subditorum vota pro incremento Familiarum Illustrium. Exemplis non destituor, quæ à duobus vicinis Principibus mutuari possem. Sed hæc in omnium ore, ut satius sit devoto silentio summæ eorum felicitatem, & cum ævo duraturum nomen persequi. Anglum miror, qui Patrem Patris infami supplicio non ita pridem è medio sustulit, ejusq; Filios, Regnorum Hæredes, exules fecit. Fortean si daretur ipsi quoq; Filiorum copia, parem sibi parricidii maculam denuo aspergeret, cum plagium in illis committere periculosum foret. Nihil est iniquius, quàm aliquem hæredem paterni odii fieri. Sed odiosa est veritas, ne dicam capitalis!

IV. Germani Principes suos, eorumq; Liberos non ita tenere amant. Quod si enim illos, à quibus amantur, interficerent, quid hostibus eventurum putares? Mimè digna vox, cui adjiciatur, eam ex Pisistrati ore mansisse, Val. Max. lib. V. c. I. Principes interim, ut subditis ex voto consulant, in educandis successoribus nil quicquam omittunt, monente Joh. Mariana lib. II. de Rege & Regis institutione cap. I. ne Commodos, aut Wenceslaos.

post.

post se relinquunt, & ingemiscant: *Nullum publicum pondus regno gravius, nulla privata sarcina gravior, quam filius, nisi nulla charior*, Franc. Petrarch. lib. II. de R. U. F. dial. LXXIIIX. Ita Princeps in subditos transfundit mores, ut liberis propriis summâ curâ educatis legibus vix opus sit. Tanta vis est educationis, Nicol. Machiav. I. disc. III, Henning. Arnif. lib. I. Doctr. Polit. c. XIIIX.

V. Sed quo magis Principes successoribus suis delectantur, eò magis amissorum desiderio excruciaci constat, præcipuè si plagiarii viventium filiorum miserandas illis infligant orbitates, L. fin. C. ad L. Fab. de plagiar. Exemplum suppeditat Fridericus II. Elector Saxoniz, placidissimus Princeps, cujus Filios, ERNESTUM, & ALBERTUM ante duo secula miles plagio abduxerat. Quantum dolorem concepisse conjicies Serenissimum Patrem ereptis hisce munimentis? Alexander M. apud Curtium lib. VI. queritur: *Orbitas mea quod sine liberis sum spernitur*. Quid Electorem conquestum esse putaverim? Verum, Dei gratiâ, quos amiserat recepit Filios, quorum illum successorum postea habuit, hic Frisiz Gubernator constitutus ob res fortissimè gestas animosi, dextera Imperii manus, & Germani Rolandi cognomen meruit. Ab hoc ipso ALBERTO moderni Saxoniz Electores potentissimi originem suam derivant, ut apparet ex Genealogia Electorum & Ducum Saxoniz, quam exhibet Joh. Micrælius lib. III. Syntagm. Historiar. Mundi sect. XII.

VI. Ego verò partium mearum esse duxi de hoc Plagio audacissimo præsentem Dissertationem conscribere, partim in terrorem eorum, qui Principes omnes sublato volunt, partim in solatium piorum Principum, qui Dei præsidio tuti ab omnibus insidiis, quibus obno-

xium esse solet Imperium. De Pace Religionis antea  
centum annos summo Statuum Augustanz Confessionis  
desiderio promulgata Svevi, Cranii, Benbellonz, Syrin-  
gii verba faciant, inter quos ego vix hincere ausim. Plagi-  
um illud anno M CCCCLV. commissum (ut ad aliud se-  
culum me convertam) amplam satis scribendi materiam  
mihi hac vice subministrat.

## CAPUT II.

### Plagium unde dicatur, & quid sit.

- |  |  |
|--|--|
| I. <i>Via Etymologia.</i>  | VIII. <i>Ab alienante accipiunt.</i>   |
| II. <i>Vox plagij Origine Græca.</i>   | IX. <i>De plagio quoq; servorum<br/>hic agere convenit.</i>                      |
| III. <i>Definitio Plagij.</i>  | X. <i>Quod committitur in servo<br/>alieno.</i>                                  |
| IV. <i>Plagium est crimen publi-<br/>cum.</i>  | XI. <i>Imo &amp; in proprio.</i>   |
| V. <i>Expediebatur inscriptione.</i>   | XII. <i>Intellectus §. IX. Inß. de<br/>oblig quæ ex delict. nascun-<br/>tur.</i> |
| VI. <i>Hodie reia aliter cautum.</i>   |  |
| VII. <i>Criminis hujus rei sunt,<br/>quiscienter liberum homi-<br/>nem in vitium alienant.</i> | XIII. <i>Concursus furti &amp; Plagij.</i>                                       |

I. Antistitium Labeonem accepimus cum omni  
doctrinæ præsidis instructum ad Jus Civile cognoscen-  
dum, explicandumq; accessisse, tum verò innumerabiles  
ejus velut nodos non alià re magis, quàm vocabulorum  
originis (Græci *ετυμολογίας*, Plautus veriverbium appel-  
lant) diligenti investigatione expeditivisse. Testem habeo  
Scipion. Gentil. lib. singulari Originum ad D. Idem mihi  
faciendum erit in hac materia plagij, cum verborum pri-  
or, rerum potior sit interpretatio, Joh. Oldend. tr. de usu-  
caption. & præscript.

II. Dictum est plagium, autore Suida, quod fiat  
*πλάγιος*, id est *δολίος*, vel, ut Iulidorus contendit, à Græca  
vocali

vocula *πλάγιον*, quod obliquum notat, quia obliquis actibus & dolis servi, aut liberi intercipi solebant, Petr. Theodoric. Disp. IX. Colleg. Crimin. th. VIII. lit. A. Joh. Borcholt. Comm. ad Instit. de Publ. Judic. §. X. Harprecht. de Crimin. peculatus, plagii, ambitus, &c. Fr. Duaren. ad D. de plag. c. 1. Ultimam derivationem amplectitur Joach. Mynsing. Schol. ad Inst. de publ. judic. §. X. neq. à plag. plagium dici aumat, (accedit D. Ludvvell Disp. fin. ad Instit. th. IX, lit. F.) quod verum est, frustra dissentiente Azone in summ. Cod. ad L. Fab. de plagiar. Aliud est plagium, Hug. Grotius III. de J. P. & B. cap. VI. num. XXIV, Græcis plagium *ἀνδραποδισμός* dicitur ab *ἀνδραποδίζω*.

III. Sequitur definitio. Ex his quippe tribus perfecta cognitio paratur, ut in Epinomide Plato, si substantia, si nomen, si definitio cognoscatur. Substantiam intelligo sive essentiam, quâ quæq. res est, nomen, quo notatur, definitionem, quâ quid sit explicatur. Ita mecum sentit Scipio Gentilis libr. singul. origin. Johanni Borcholten, plagium est *suppressio hominis liberi, vel servi*, Comm. ad Inst. de publ. judic. §. X. ut & Thom. Lindenmanno Disp. ult. Exerc. Justin. th. LXVI. D. Henr. Hahn. Obs. ad D. de L. Fab. de plagiar. eandem definitionem amat, nisi quod suppressionem dolosam velit. Copiosior in describendo plagio Petr. Theodoric. Disp. IX. Colleg. Crimin. th. IIX: *Plagium est crimen publicum, ab eo, qui sciens dolomalo liberum hominem invicem alienat, ab alienante accipit, aut suppressit, sive celat, vel servo alieno, ut à Domino fugiat, persuadet, aut eum domino invito vel inscio suscipit & celat, vel proprii servi fugam vendit, commissum.* Singulæ voces explicari merentur.

IV. Inter Interpretes haud convenit, an crimen plagii ex ipsa Lege Fabia statim, num ex constitutione

demum Imp. Diocletian. & Maxim. iudicij publici factum sit? Prius Petro Theodor. placet Disput. I. Colleg. criminal. th. XIII. lit. G. In libris quippe Pandectarum, inter titulos publicorum iudiciorum hanc ipsam legem Fabiam positam vides. Neq; in contrariam sententiam me trahit, quod in L. I. D. de publ. iudic. nulla hujus criminis mentio fiat. Omissum videtur, quod tunc temporis origo illius Legis Fabiæ aliqua ex parte immutata, fuerit, dum extra ordinem saltem exerceri consueverat. Dissentit Fr. Duaren. Comm. ad D. ad L. Fab. de plagiar. cap. I. Arnold. Corvin. aphorism. ad D. cod. tit. & dubio procul ante eum Matth. Wesembec. Paratitl. ad D. ibid. cum L. XIII. C. cod. alleget, quæ autores agnoscit Diocletian. & Maxim. Prior sententia verior, neq; refutatione digni dissentientes. Illud tamen silentio haud premeendum, quod & Autor incertus sit, & nomen hujus legis dubium, quia modo Fabiam, modò Flaviam, modò Fariam leges, Jul. Pacius analys. ad Instit. tit. de publ. iudic. §. X. Dionys. Gothofr. ad rubr. D. & C. ad L. Fab. de plagiar. Fabiam frequentius dici existimem, & verius, Fr. Duaren. Comm. ad D. tit. de plagiar. cap. I. Atq; ita vertit Theophilus. Ita Cicero pro Rabirio: *An de servis alienis contra Fabiam retentis, aut de civibus Romanis contra legem Porciam verberatis aut necatis plura dicenda sunt?* Azo in summa Codicis Fariam legit. Neq; antiquitatis jacturam hic ita dolemus, quam in aliis nimium nos fecisse jure queritur Scipio Gentilis Lib. I. magis c. XVII. Legem ipsam superesse gaudemus, quam inter publica iudicia numerari non potest non constare ex §. X. Inst. de publ. iudic. Hodie idem quoq; obtinet. Neq; enim divisionem illam delictorum in privata & publica de Jure Canonino sublatam dixit



dixerim, si fides tribuenda Petr. Theod. Disp. I. Coll. Crimini-  
th. XV. Publica v. delicta vocantur, quæ specialilege con-  
stituta, ut de iis publica forma accusandi, & certa poena,  
ejusq; executio cuique è populo ad accusandum idoneo  
plerumq; detur: privata, quæ privata formulâ agendi  
constant, nec aliquâ lege publica facta sunt, §. I. Inst. de  
publ. judic. L. I. D. eod. L. III. §. fin. D. de prævaricat.  
tot. tit. D. de accusat. & tit. C. de his qui accusare non poss.

V. Planè cum plagium crimen publicum sit, inscrip-  
tione quondam opus erat, L. III. C. ad L. Fab. de plagiar.  
Wesembec. parat. ad D. eod. tit. n. III. Corvin. aphorism.  
ad D. eod. quæ fiebat ad obligationem similis supplicij,  
L. XVII. C. de accus. & inscript. Gothofredus poenam ta-  
lionis vocat ad d. L. lit. Q. Græcis dicitur *τὸ ἀντιτακτικόν*;  
D. Hahn. Obs. ad D. de Just. & Jur. n. XIII.

VI. Dixi, inscriptione quondam opus fuisse. Ho-  
die enim vigore Constitutionis Caroli V. Criminalis reis  
aliter cautum novimus, Joh. Schneidvv. Comm. ad Inst.  
de suspect. tutor. in princ. D. Hahn. Obs. ad D. de accusat.  
n. XII.

VII. Hujus autem criminis rei sunt, qui scientes  
dolo malo liberum hominem invitum alienant. Pri-  
mum ad Cives Romanos Lex Plagij pertinuisse videtur;  
deinde ad eos, qui in Italia liberti erant, postremo ad o-  
mnes omnino liberæ conditionis homines, Gothofr. ad  
L. I. D. ad L. Fab. de plagiar. lit. A. Alienare verò dici-  
tur, qui vendit, donat, permutat, vel in dotem constituit  
hominem liberum, d. L. I. L. IV. D. L. XV. C. eod. Petr. Theo-  
doric. Disp. IX. Colleg. Crimin. th. IX. lit. B. Neq; enim  
eodem modo vox alienationis ubivis accipitur D. Hahn,  
Obs. ad D. de fund. dotat. n. V. Quod dictum hactenus  
fuit, in Patre haud obtinet. Is enim urgente fame jure,  
distra-

distrahit liberos, nec poenam aliquam inde metetur per  
 L. II. C. de patrib. qui filios suos distrax. Scilicet revoca-  
 vit Imp. Constantinus Legem XII. Tabularum, suâ hac  
 constitutione sanciens, liceret Patri propter nimiam pau-  
 pertatem victus causâ filium vendere, sed & filiam, quod  
 admodum frequens fuit, ut testantur illa verba D. Ambro-  
 siji in libro de Tobia: *Vendit plerumq; & pater liberos auto-  
 ritate generationis, sed non voce pietatis Ad auersionem pudibun-  
 do vultu miseris erabit, dicens, soluite filij gula mea sumptum.* Lo-  
 cum hunc Ambrosij Scipio Gentilis lib. I. *περί γ.* c. XL.  
 descripsit, qui ab usum hujus venditionis notare videtur.  
 Hugo Grotius II. de I P & B. c. V. n. V. morem hunc ven-  
 dendî liberos ex veteri Thebanorum Lege in populos al-  
 lios fluxisse putat. Censetur quippe ipsa Natura jus dare  
 ad id omne, sine quo obtineri non potest, quod ipsa im-  
 perat. Si tamen Pater ad pinguiorem fortunam perve-  
 niat, compelli potest, ut filiû liberet, Schneidevv Comm.  
 ad Inst. de patr. potest. n. XXIIX. Sed cum in dicta Lege  
 secunda saltem mentio fiat nimiz paupertatis, elegans  
 oritur questio: An, si pater aliâ quâdam necessitate ur-  
 geatur, veluti si captus ab hostibus occidendus sit, nisi cer-  
 tâ pecuniâ summâ hostibus solutâ, hoc quoq; casu filium  
 distrahere possit? Affirmat Petr. Theodoric. Disput. IX.  
 Colleg. Crimin. th. IIX. lit. B. quest. I. quem tamen sequi  
 nolim. Præterquam enim quod allegati textus nil pro-  
 bant, hoc tantum in L. II. C. de patrib. qui filios suos di-  
 strax. permittitur Patri, ut filium vendat, ubi alia ratioe-  
 um alendi non suppetit. Atq; ita sentiunt Gothofr. ad  
 d. L. lit. T. & Grotius d. loc. Malè ergo hoc ad patrem  
 captivum extenditur. Denique quæri solet: Num Mater  
 propter nimiam paupertatem liberos vendere queat?

Nego

Nego contra D. Hahn. Obs. ad D. de his qui sui juris ibi  
 distrahere. Mater enim non habet liberos in potestate,  
 §. X. Instit. de adopt. Christian. Liebenthal Exerc. IV. Col-  
 leg. Politic. qu. II. Confer D. Erasm. Ungep. Exercit. Ju-  
 stin. III. qu. III. At hæc venditio est effectus Patriæ Po-  
 testatis, Schneidevv. d. loc. Theodoric. d. loc. qu. III. si-  
 cuti & jus vitæ & necis olim erat, L. XI. D. de liber. & post.  
 L. fin. C. de patr. potest. Johan. Bodin. L. I. de Rep. c. IV.  
 Confer Grotium II. de I. P. & B. c. V. n. XXII. Neq; et-  
 tiam ad avum legem illam secundam extendit Schneide-  
 vv. d. loc. licet nepos sit in ejus potestate. Sed redeo ad  
 propositum! Plagii reus est quis ita demum, si sciens dolo  
 malo liberum hominem invitum alienet. Sciens dico,  
 quod expressè notat Jctus Ulpianus in L. I. D. ad L. Fab.  
 de plagiar. Quod si sciat, liberum esse, & tamen vendat,  
 dolo malo egisse putatur, L. fin. §. II. D. d. tit. Regulari-  
 ter quidem dolum malum ex indiciis perspicuis probari  
 convenit, L. VI. C. de dol. mal. interdum tamen præsumi-  
 tur. Malum adjeci, quoniam veteres dolum etiam bo-  
 num dicebant, & pro solertia hoc nomen accipiebant,  
 maximè si adversus hostem, latronemq; quis machinare-  
 tur, L. I. §. III. D. eod. Vis & terror maximè quidem pro-  
 pria sunt bellorum, sed & dolo uti licet, Grotius III. de  
 I. P. & B. c. I. n. VI. VII. II. Deniq; ut quis crimen hoc a-  
 lienando incurrat, necesse est, invitum alienet. Nulla  
 enim est injuria, quæ in volentē fiat, L. I. §. V. D. de injur.  
 Mireris, repertos fuisse, qui rem inæstimabilem §. fin.  
 Inst. qui & ex quib. caus. manum. non possunt. L. CVI. L.  
 CXXII. D. de R. I. parvo æstimarunt, seq; ad pretium par-  
 ticipandum venundari passi sunt, ignavi atq; abjectiani-  
 mi homines. Modus hic est Jure Civili constit. unde

servitutis §. IV. Inst. de jur. Personar. modò singula requi-  
 sita probè ponderes, Pacius analys. ad Inst. d. tit. & §. Atq;  
 his, qui se ita turpis lucri gratiâ venire patiuntur, in inte-  
 grum restitutionis beneficium denegatur, Gothofred. ad  
 L. V. §. I. lit. G. D. de stat. homin. Hunc civilem servitutis  
 constituendæ modum sustulit Imp. Leo Nov. LIX. quan-  
 quam non diffitear, constitutiones illas ad corrigendum  
 jus nostrum Justinianæum, & ad decisiones causarum ho-  
 die minus rectè allegari, Theodoric. Disput. VII. Colleg.  
 Crimin. th. VI. lit. C. post quæstion. I.

IIX. Neq; ille tantum plagii rectè postulatur, qui  
 dicto modo alienat, sed & qui ab alienante sciens accipit  
 liberum hominem, eumq; summo dedecore supprimit  
 sive celat L. I. D. ad L. Fab. de plagiar. invitum & invinctum  
 L. VI. §. II. D. eod. Sicuti Cujacius alibi insciente pro sci-  
 ente positum contendit, ita rectè hic INVINCTUM pro  
 VINCTO legitur, quod & mox repetitur, ne mendosum  
 putes, Scipio Gentil. lib. I. *παρεργ.* c. XIV. Nam IN au-  
 gendæ significationi est, ut inelamare, inchyus, quem  
 Græci κλυτοὶ dicunt. Ita Ulpianus in L. III. pr. D. ad SC.  
 Silanianum: *in gravi valetudine affectus*. Quod si disjunctim,  
 ut Gothofredus, aliique legunt, in gravi scribas, solæti-  
 smus fuerit, judicio Scipion. Gentil. d. loc. Hoc pacto  
 idem Gentilis culicis Virgiliani veterem illam scriptu-  
 ram tuetur:

*Tendit in evectus radios Hyperionis ardor.*

Et in fine :

*Iret in evectus cælum super,* hoc est, altè evectus.  
 Equè mihi de literis, & de nobis optimè mereri viden-  
 tur, & qui corruptas lectiones restituunt, & qui concu-  
 sas, nutantesq; constituunt. Neq; tantum liber homi-  
 nis prohibetur, sed & in stipulatū deduci nequit L. III.

D. de :

D. de V. O. L. LXXXIII. §. V. D. eod. L. CLXXXII. D. de R.  
I. §. II. Inst. de inutil. stipul. L. XIII. D. ad L. Aquil. Confer  
Gothofr. ad d. L. lic. B. Ex dictis sequitur, quod liberi  
hominis emptor non fiat locupletior, L. CXXVI. §. I. D. de  
R. I. si non ignarus sit, eum esse liberum, Hieron. Ca-  
gnol. ad d. L. §. I. n. II. Conf. L. LXIII. D. ad L. Falcid. Neq;  
liber homo ita venditus statum mutat, L. XI. C. de plagiar.  
Quod si nesciat, crimen plagii non incurrit. Excusat  
quippe ignorantia facti alieni, L. fin. D. pro suo, cum et-  
iam prudentissimū interpretatio alieni facti sæpius deci-  
piat, L. II. D. de Jur. & fact. ignor. Recenset a Princeps Phi-  
losophorum lib. II. Ethic. c. III. octo circumstantias, qua-  
rum ignorantio ignorantiam facti inducit. Prima est & *negi-*  
*gunt* *Q.*, i. e. rei quæ agitur, altera personæ illius, cum  
qua nobis est negotium, tertia objecti, circa quod versa-  
mur, quarta loci, quinta temporis, sexta instrumenti, se-  
ptima causæ finalis, ad quam actio omnis dirigitur, & de-  
niq; octava modi agendi. Neq; tamen æquum est, ut per-  
petuò ignorantia facti alieni excuset, D. Hahn. Obs. ad D.  
de jur. & fact. ignorant. n. III. Præterea cum objectum  
ufucapionis æstimari possit ex vicina materia possessionis  
& dominii, D. Hahn. Obs. ad D. de usurp. & usucap. n. X.  
apparet in libero homine ufucapionem nunquam pro-  
cedere, §. I. Inst. de usucapion. Nunquam dico, Præscri-  
ptiones enim inventæ sunt, ut jus creatum in alium trans-  
ferant, non ut novum inducant, Schneidevv. Comm. ad  
Inst. d. tit. qu. quæ res præscribi poss. n. LII. LIX. LX. De  
monstris subjiciam, an illa impune plagio abducantur?  
Gothofred. ad L. CXXXV. D. de V. S. lit. Q. monstrum sine  
metu Legis Cornelie interfici posse statuit. Hinc idem  
videtur esse defendendū quoad Legem Fabiam. Utrumq;

falsum est, neq; Gothofredi exemplum me movere valet, quod ex Petrarcha deprompsit. Variz aliàs monstrorum causz, ut videre est apud Ampros. Parzum lib. XXIV. Oper. Chirurgitor. c. l.

IX. Hæc sufficiant de libero homine vendito, empto, ac suppresso. Porro plagium tam in servo proprio, quàm alieno committi clari juris est. Præmittam de servo alieno. Illud autem monuisse operæ pretium est, summam personarum divisionem esse, quod omnes homines aut liberi sint, aut servi, pr. Inst. de jur. person. Conf. Pacium sub iniri. d. tit. Et quamvis hanc divisionem juris Gentium esse ferant (imo etiam juris Naturæ, ut sentiunt Philosophi, cum quibus Jctis non malè convenit) Germania tamen veros servos nunquam habuit, Gail. de pignorat. obs. l. IX. n. II. si excepias, quod sub finem seculi Christiani V. evenisse autor est D. Hahn. Obs. ad D. de manum. n. I. Neque enim proprii illi homines, vulgo *Leibeigene Leute*, servi sunt, nisi quoad culturam agrorum. Manet enim ipsis patria potestas in liberos, legitima in judicio standi persona, rerum acquisitio, commercium, etiam cum dominis, testamenti factio, successio, & similia. Ineptè ergo quarit Petr. Theodor. Disput. X. Colleg. Crimin. th. II. sublit. B: Anne adhuc hodie in Germania servi reperiantur? Hæc si attenderis, minus huic materiz convenire videbitur, ut hodie de plagio in servis commisso verba fiant. Verum tantum abest, ut hisce movear, & de plagio servorum nihil agam. adhuc hodie materia de servitutibus personarum utilis est, adeoq; probè addiscenda, D. Hahn. Obs. ad D. de stat. homin. n. V. Et quis omnia utilitate, quæ se statim in usum ingerat, metiri velit? Res suas sibi habeant ignava illa ingenia.

Willi-

fillicidiis (verba sunt Ciceronis lib. I. de LL.) & cæteris  
obolaribus commodis curiosè intentæ.

X. Planè qui servo alieno (idè est in ancilla) persuadet, ut à domino fugiat, aut eum domino invito, vel inscio suscipit, & celat, plagii crimine se contaminat, L. VI. §. II. D. ad L. Fab. de plagiar. etiamsi vis omnis absit. Neque hoc insolitum, persuasionem etiã poenæ esse obnoxiam. Pittacus graviozem poenam constituerat, si quis alienam uxorem appellans blanditiis ad libidinem provocasset, quàm si ei vim intulisset, quod vi adhibitâ corpus solum, blanditiis etiã animus corrumpetur. In hunc modum Ulpianus: *Persuadere plus est, quàm compelli atque sibi cogi parere*, L. I. §. III. D. de servo corrupt. & ad eam Gothofr. lit. X. Interim non omittendum, tò persuadere τῶν μὲ δουεσσε. Nam & bonum consilium quis dando potest svadere, & malum. Hic in malam partem accipi clarum satis est. Quis enim bonum consilium dixerit, si servus persuadeatur, ut à domino fugiat? Hoc æquè noxium est, ac si servus domino invito vel inscio suscipiatur, & celatur. Altius hæc indagari merentur. Nihil verius esse putat Scipio Gentilis lib. I. *magisy*. c. XXXI. illâ Ulpiani sententiâ: *Cogitationis poenam nemo patitur*, L. XLIX. D. de poen. humanis scilicet legibus, Gothofr. ad d. I. lit. Z. Neque huic adversantur tot leges, quibus expressè dicitur, voluntatem atq; consilium in maleficijs puniri. Diversissima hæc sunt, concipere scelus, & velle, h. e. deliberare, & conari. Gravissimum omnium est crimen perduellionis, quo patriam perditum ivit & ibit profligata hominum sceleratorum gigantomachia. De quo quæ ad nostrum institutum pertinet illustris est apud C. Crisp. Salustium Catonis sententia in Catilinam, cæterosque

complices: *Res a. monet inquit, cavere ab illis magis, quàm quid in illos statuamus, consultare. Nam cetera maleficia sum persequare, ubi facta sunt, hoc nisi provideris, ne accidat, ubi evenerit, judicia frustra implores. Captâ urbe nihil sit reliqui vilius.* Pertinet huc illud Bodini: *Diligenti cuiq, Imperatori ac Magistratui danda est opera, ut non tam seditiones tollere, quàm praoccupare studeant. Nam seditio semel accensa, quasi scintilla impetu populari repente agitur, ac totam urbem prius inflammare solet, quàm restinguere possit.* IV. de Rep. VII. Apparet hinc, non cogitationem delendæ Patriæ puniri, sed consilia, conatus, atque impetus expressos jam, & quasi foras prominentes. Idem verò quod de Patria, etiam de Patre Patriæ dici potest, & debet. Sed non perinde tamen animos afficit Patria, & ejus Parentis vindicata salus. Hinc illud, quod, si cujus sit nescias, sapientis putes: *Miserissima est conditio Principum, quibus de conjuratione aperta non creditur, nisi occisis,* Petrarch. III. rer. memor. tr. II. c. V. Autorem hujus effati cur optimum Imperatorem dicat Scipio Gentilis, non satis percipio, nisi forte alium intendit, præter Domitianum, quæ Benevenutus de Rambaldis in libello suo Augustali Virtutum hostem nuncupat. Aliter Lipsius de optimo principe: *Duo sunt, quæ legitimum & numeris solum absolutum Principem faciunt, PRUDENTIA & VIRTUS,* lib. II. Civ. doctr. cap. VII. Consentit Mar. fil. Patavin. in defensore Pacis ad Ludovicum Imper. part. I. c. XIV. Sed ut ad pœnam cogitationis redeam, ejusmodi in jure nostro non reperitur, quicquid sentiat Andius sine bono (anagramma hoc est Cujacii XIX. obs. XXXI IX.) lib. II. de Rep. c. V. n. CCX. cui responderet Petr. Theodoric. Disp. V. Colleg. Crim. th. I. lit. D. Nec judicium nostrum suspendit L. V. pr. ibi: cogitaverit, C. ad L. Jul. Maj. Lex enim agit de conjuratione, quæ cum ad minimum duos requirat (secum o-

quis



quis conspirare nequit) per naturam intra nûdos cogitationis limites consistere nequit. Non tamen diffiteor, Leges etiam mentis & cordis requirere *Ευταξία*, D. Hahn. Obf. ad D. de J. & J. n. IV. quamvis inordinatos motus penetrare nequeat, adeoq; pœnam illis statuere. Voluntas tamen pœnæ subjacet exterius ad facinus progressa, uti in nostro casu in eo evenit, qui servo alieno svadet, ut à Domino fugiat. Uti ergo factò in homine libero, ita hic voluntati circa servum corrumpendum pœna dictatur. Semper enim qui alteri peccandi causam dat, peccat & ipse, Grot. III. de I. P. & B. c. I. n. XXI. De factò non est dubium, quin illud pœnam mereatur, ut si quis domino dominave invitis vel insciis servum suscipiat, celetq; , L. VI. §. II. D. ad L. Fab. de plagiar.

XI. In servo quoque proprio plagium committitur, si in fuga constitutus vendatur, non si absit, L. II. pr. D. L. VI. C. de plagiar. Ratione utitur Duarenus Comm. ad D. eod. tit. c. II. deprompta ex L. XVII. §. X. D. de edil. edict. quod species cujusdam libertatis sit fugisse, & à potestate dominica in præsentem liberatum esse. Quod attinet defensionem rei hoc crimine ob servum alienum cõventi, quæstionem Domini referre potest, L. IIX. L. XIV. C. pē plagiar. Potest etiam objicere bonæ fidei possessionem L. III. D. d. tit. vel justam aliquam ignorantia causam, quia Lex scientem & dolosum modò punit, L. VI. §. II. D. eod. Unde fit, ut ob probabilem errorem reus criminis absolvatur, Duaren. d. loc. Insuper quoddam, quasi plagium est, quod in transcribendis aliorum scriptis & laboribus committitur, quos quis pro suis vendit, de quo post alios à se allegatos tractat Everh. Speckhân, cent. I. quæst. LXXXIIX. Meminit hujus quasi plagii

plagij D. Wilhelmus Ludvvel Disputat. fin. ad Inst. thes.  
IX. lit. F.

XII. Quæ de homine libero jam ante proposui,  
dubio involvuntur per §. IX. Instit. de Obl. quæ ex delict.  
nasc. Perhibetur enim, liberorum hominum furtum  
fieri, veluti si quis liberos in sacris Parentum positos sur-  
riperit. Dixeris, plagium esse speciem furti cum D.  
Bened. Carpovio part. II. pract. nov. rer. crimin. quæst.  
LXXXIII. n. LXXXV. Magis ea placent, quæ Jul. Pacius  
habet in analysi Instit. ad d. §. IX: *Ob liberam hominem, vel  
servum alienum subreptum (Vide L. VI. pr. D. de plagiar.) non  
solum competit privata actio furti, sed etiam publica accusatio de pla-  
gio ex L. Fabia de plagiaris. Sed ut furtum fieri dicatur, opus est,  
ut lucrandi animo fiat, & ut plagium committi dicatur, opus est, ut  
celandi animo fias. Quare contingere potest, ut simul sit plagium,  
& furtum, vel tantum plagium, vel tantum furtum.* Conf. D. Lud-  
vvel. d. loc. Hæc omne dubium dissolvunt. Interim con-  
ferre licet Joh Borcholt. Comm. ad Inst. d. tit. & §. Schnei-  
devv. Comm. ad Inst. ibid. D. Carpov. d. loc. n. LXXXVI.  
De furto hoc annectam, quod per novam Caroli V. Con-  
stitutionem non sit factum publici judicii, Petr. Theodo-  
ric. Disp. I. Colleg. Crimin. th. XII.

XIII. Deniq; concursus actionis furti cum crimi-  
ne plagii, cujus Pacius supra meminit, hoc caput claudet  
& consignabit. Difficilis locus est de furti actione, Legist;  
Fabie Constitutione in L. un. C. quando civil. act. crim.  
præjudic. De hoc ita Cujacius lib. XX. obs. XXVI: *Confer-  
tur actio furti cum crimine ex Lege Fabia de plagiaris. Si dicitur  
non potest concurrere actio furti cum crimine plagii, quia plagium  
sine furto fit L. i. C. de furt. l. 6. D. ad l. Fab. de plagiar. & melius con-  
ferretur cum eo crimine actio servi corrupti, vel interdictum de libe-  
ro & homine exhibendo. (Vid. Schneidvv. Comm. ad Inst. de  
inter.*

interdict § I. n. LXXIIX.) *Contra dicam* (pergit Cujacius) cum actione servi corrupti concurrere etiam actionem furti, vel in-  
tione rerum domini, quas fugitivus pertulit ad plagiarium l. 11. §. 2.  
D. de serv. corrupt l. 12. C. ad l. Fab. de plagiar. vel quia etiam is, qui  
fugitivum celat, fur est l. 1. D. de fugitiv. l. 26. §. 3. D. de fure, quod et-  
iam bellè confirmat l. 52 §. 12. D. eod. Hac ratione fit, ut actio furti  
concurrat cum crimine plagij, nec altero iudicio alteri prejudicetur,  
hoc est, ut si ve Civilis, si ve Criminali prius actum sit, nihilominus iudi-  
catum altero iudicio retractetur, per d. la. C. quando civil. actio cri-  
min. prejudic. Atq. sic accipienda erunt verba l. 23 §. 9. D. ad l. Aquil.  
Huc usq; Cujacius? Nunc ut de poena plagij tractem ra-  
tio ordinis exposcit.

### CAPUT III.

#### De poena Plagij Jure divino, Civili, Cano- nico, & Saxonico.

- |   |   |
|---|---|
| I. <i>Pœnis &amp; præmiis in Republ.</i>                    | <i>no. Veteris Testamenti.</i>                            |
| II. <i>Unde dicatur poena, &amp; quid sit?</i>              | V. <i>An caritatem obtineat in No-<br/>vo Testamento.</i> |
| III. <i>An poena esse possit citra le-<br/>gem penalem?</i> | VI. <i>Pœna plagij de Jure Ci-<br/>vili.</i>              |
| IV. <i>Pœna plagij de Jure Divi</i>                         | VII. <i>De Jure Canonico.</i>                             |
|   | VIII. <i>De Jure Saxonico.</i>                            |

I. Egregiè Ulpianus: *Bonos non solum metu poenarum, verum etiam premiorum exhortatione efficere cupimus.* L. 1. §. 1. D. de J & J Hinc duo lumina, cuncta gubernantia, præmia & poenas Solon statuebat, ut & Democritus, Henning. Arnif lib I Relection. Politic. c. I. sect III n XI. Ratione Philosophi nos instruunt, quod homines duobus maxi-  
mè afficiantur, voluptate, & dolore. Igitur ex una par-  
te alliciendi sunt præmiis, ex altera suppliciis terrendi.

Singulare est, quod de pœnis scripsit Cyprianus II. ad Donatum: *Ad hominis corpus unum plura supplicia sunt, quam membra.*

II. Et quidem præmia suo loco relinquens, de pœna hic agam, quam à puniendo, vel à pœnitendo, quod peccatum sequatur, Varro derivat Lib. IV. Ling. Latini. Generali significato definit eam Grotius *malum passionis quod infligitur ob malum actionis*, II. de J. P. & B. c. XX. n. I. Ulpiano pœna est noxæ vindicta, L. CXXXI. D. de V. S. Vid. Petr. Theodor. Disp. X. Colleg. Crimin. th. I. Pœnarum divisionem Wesembecius exhibet Paratit. ad D. de pœn. cuiungi potest D. Hahn. ibid. Theodoric. d. loc. th. II. De subjecto pœnarum gravior Disputatio est, Bruta perraro puniri existimat Wesembec. d. I. n. VI. quod affectu delinquendi, & dolo careant. Treuderus quoq; liberiori stylo ad bruta irrogationem pœnarum extendit, Vol. I. Disp. III. th. V. lit. B. Uterq; non absq; vitio. Subjectum enim pœnarum tantum sunt homines noxij, hoc est, qui deliquerant. Quod autem interdum etiam in animalia, ut & cadavera delinquentium, animadvertatur, non ideo fit, ut puniantur, sed ut exemplo alij deterreantur, atq; memoria criminis penitus deleatur, D. Hahn. obs. ad D. de pœn. n. VI. Accedit huic sententiæ Grotius: *Quia in bestias propriè delictum non cadit, ubi bestia occiditur, ut lege Moysi ob concubitus cum homine,* (Vide hic Ambros. Parum lib. XXIV. Oper. Chirurgic. c. XII.) *non ea veri pœna est, sed usus dominii humani in bestiam*, II. de I. P. & B. c. XXI. n. XI. Confer eundem lib. II. c. XIX. n. V. And. Gail. II. obs. CX. n. XXII. Petr. Theodor. Disp. X. Colleg. Crimin. th. III. lit. B.

III. Hoc notandum est, ante legem quoq; pœnam constitutam pœnæ locum esse posse, quia naturaliter  
qui

qui deliquit in eo statu est, ut puniri licitè possit, Grot. II. de I. P. & B. c. XX. n. XXII. Ceterum ne quid mitius vel acerbius in delinquentes statuatur, delictis fere singulis & criminibus certæ præstitutæ sunt pœnæ, tam jure Divino, quàm Humano. Pœnæ enim æstimatione multum prudentiæ & æquitatis desiderat.

IV. Crimen plagii quod attinet, vel mediocriter in Scriptura sacra versato non potest non constare illius pœna. Mortis quippe supplicium irrogari jubetur plagiario Deut. XXIV. v. VII. hominem surreptum vel vendenti, vel oppignoranti. Optimè hæc conjunguntur. Quod enim emptionem venditionemq; recipit, etiam pignorationem recipere potest, L. IX. §. I. D. de pignorib. & hypothec. Gothofr. ibid. lit. S. ut & ad L. I. D. ad L. Fab. de plagiar. lit. B. Idem habetur Ex. XXI. v. XVI. Leoni Imp. hæc pœna nimis rigida visa fuit Nov. LXVI. Complures profecto censeas Legum absurditates, quod rationem, quâ motus fuit, non teneas latoris, neq; causam intelligas cujusq; sanctionis, Plutarch. de tarda Dei viudicta.

V. Sed quæritur: An lex Evangelica eandem pœnam adhuc hodie plagiario inferri velit? Non loquor hic de pœna, quæ privato, sed quæ publico bono consulit; partim tollendo & coërcendo nocentem, ne cui ulterius noceat, partim deterrendo alios severitate exempli. Ejusmodi leges à Christo minimè sublatas censuerim, certissimo argumento, quod cum sua daret præcepta, simul testatus sit, se nihil legis tollere, Grotius II. de I. P. & B. c. XX. n. X. Quod si ergo Christi præcepta cum lege Moïsi consistere possunt, quatenus supplicia etiam capitalia irrogat, possunt & cum humanis legibus, divinam hac in parte justiciam imitantibus, consistere. Unicum exem-

plum hæc instar omnium erit. Sodomiam exercentes, quæ etiam in sæminis locum habet, humanis legibus igne absumuntur, quæ pœna vel ideo delicti hujus atrocitati convenit, quod Sodomam, & Gomorrhæam, urbes præ cæteris hoc scelere pollutas, ignis cœlitus delapsus deleverit Theodor. Disp. VI. Colleg. Crimin. th. V. lit. L.

VI. Humanæ quidem leges variarunt circa pœnam plagiarium infligendam, testibus Gothofredo ad L. fin. D. de plagiar. lit. P. Duareno Côm. ad D. eod. tit. c. IV. Thom. Lindemannio Exercit. ult. Justin. th. LXVI. Wesembecio Paratist. ad D. de plagiar. n. IV. Theodorico Disp. IX. Colleg. Crimin. thes. IIX. lit. E. Ex constitutione tamen Imp. Constantini gladio consumuntur plagiarii, L. fin. C. de plagiar. Neque enim Germania nostra servos, aut libertate donatos novit, ut illi criminis hujus convicti bestiis subiciantur. De damnatione ad bestias agit Petr. Theodor. Disp. X. Colleg. Crimin. th. II. sub lit. B. Id notēs velim circa d. L. ult. quod rectè legatur tenebantur, non teneantur. Correctionem hanc Johanni Tilio acceptam tulit Francisc. Duaren. Lib. H. Disp. anniversar. c. XX. Alciatum aliàs hæc Lex maximè torset, cum posterior pars legis priori repugnare videatur, nisi correctionem memoratam amplectaris:

VII. De Jure quoque Canonico ultimum supplicium plagiarium manere videtur per cap. I. de furt. Theodor. Disp. IX. Colleg. crimin. th. IIX. lit. E. Consule de hoc jure D. Dieteric. Reinking lib. II. de R. S. & E. cl. II. c. VII.

§ IX. Quid de Jure Saxonico obtineat, exemplo plagiarij illius audacissimi Cunradi Kaufungii perspicuum evadit. Laudat quidem in milite Bartholomæus Chassanzus part. IX. Catal. gloriæ mundi confid. XXIX.

auda-

audaciam, sed ut eam erga hostes exserat, non erga Dominum; opus est, alias in extremam perniciem inclinatum. Res hac altius repetenda erit / FRIDERICUS II. Elector Saxonii, cognomento Placidus; bello infestabat Fratrem Wilhelmum, cum de hereditate erciscunda controversia extitisset; donec res transactione amica componeretur. Durante bello captus est Cunradus à Kaufung, tribunus militum, qui cum seipsum redemisset, neq; ab Electore refunderetur pretium, in quo id tulisse fertur animo. Motus hinc minas evomere non erubuit, eam ob causam proscriptus: Sed nequaquam territus minas ante effusas plagio insigni confirmavit. Duos enim Filios FRIDERICI II. ERNESTUM, qui erat XIV. annorum, & ALBERTUM duodecennem ex arce Altenburgica clavi abduxit (Joh. Micrael. Lib. III. Syntagm. histor. mundi. sect. XII. sub Electoribus Saxoniz) plagarius ab ortu Orbis & Urbis famosissimus. Accidit hoc ante CC. annos. Quanquam enim non desint, qui plagium hoc referunt ad annum Christi M. CCCC. LIV. teste Theodor. Disp. IX. Colleg. Crim. rh. IX. lit. E. verius tamen est id accidisse Anno M. CCCC. LV. si fidem ea faciunt, quæ memorat Petr. Heigius part. II. quæst. Jur. Civ. & Saxon. qu. XXXII. & post eum D. Carpzovius part. II. pract. nov. rer. criminal. qu. LXXXIII. rerum Saxonicarum peritissimi. In hoc facinore deprehensus Kaufungius à carbonario quodam, Freibergæ eodem anno meruit supplicium. Jure huc refero Bodini verba: *Penas momento irrogari jubebit Princeps, ut dolorem minus sentiant, qui plebuntur. Nam cum penarum quamplurima sint utilitates, earum tamen minima est, quæ peccati dolorem facit, ut scilicet melior fiat, quod in extremo supplicio fieri non potest, V. de Rep IV.* Neq; tantum ipsi plagarii puniendi sunt, sed & focii hujus criminis, L. VI. in fin.

**D.** ad L. Fab. de plagiar. puta qui operam & auxilium prae-  
 stitere, D. Carpzov. d. loc. n. XCIII. XCIV. Hinc non modò  
 Kaufungio caput fuit amputatum, sed & coquus proditor,  
 nomine *Schwalbe*/ Cygneæ membratim in partes fuit  
 dissectus (quod Homero μελῆσι διαπαμῆν) Joh. Schwei-  
 niz suspendio vitam finijt, Theodoric. Disput. IX. Colleg.  
 crimin. th. IIX. lit. E. Adeo plagiarius ille brevi tempo-  
 ris spatio interjecto & hostium, & legum potitus est. Ho-  
 stium potiri dicitur pater in L. XI. pr. D. de capt. & postlim.  
 reverb. quod quid sit nō intellexisse Budæum testis est Sci-  
 pio Gentilis lib. I. παρέρχων c. XLII. Non minus frequens  
 apud Jctos veteres ille dicendi modus fuisse videtur, ser-  
 virtutis potiri, quod idem est, ac in servitutem atque  
 in hostium manus incidere. Anceps tamen phra-  
 sis est, & tam ad bonam, quam ad malam fortunam  
 referri docilis. Quā in re deceptus fuit Callistratus,  
 cui oraculum de suo exilio sciscitanti Apollo respon-  
 derat his verbis, uti est apud Lycurgum in Oratione  
 contra Leocratem, sceleris in Patriam reum: ὅτι αὖ ἐλ-  
 θη αἰθρὰ πύξεται τῶν νόμων, h. e. fore, si Athenas veniret,  
 ut legum potiretur. Huc cum venisset, quod erat antea  
 capitis damnatus, meritas pœnas non effugit. Τὸ γὰρ τῶν  
 νόμων τις ἀδικηέος τυχεῖν (Inquit Lycurgus) ἡμωρία ἐστὶ, nam  
 injustis legum potiri pœna est. Quod Justinian. Imp. in  
 Nov. LXXXIII. ita effert, ὑπὸ τῆς τῶν νόμων γίνεσθαι χειρὸς  
 i. e. sub legum fieri manu, in legum potestate esse. Ita  
 dicere solemus, quod in Criminalibus Lex concludat, ut  
 accusatoris conclusione opus haud sit, Gail. I. obs. LXI. n.  
 XIX. Dn. Praeses Disp. IV. Treutl. th. XI. sub adjunct. IV. Sed  
 ne nimium excrecant paginae, Kaufungium & hostium  
 & legum potitum esse dico. Ab hostibus liberari voluit  
 soluto



soluto pretio ( id enim inter Christianos manſit, H. Groc. III. de I. P. & B. c. VII. n. IX. ) ſed nihil eum à pœna plagii liberare potuit. Interim videre animus eſt, quid pro liberatione allegaverit, aut allegare potuerit.

## CAPUT IV.

### De contrarijs, per quæ reus absolvitur pœnæ plagij.

- |  |  |
|--|--|
| <p>I. <i>Varijs modis extinguitur pœna plagij.</i></p> <p>II. <i>Nonnulli verò omni fundamento deſtituuntur.</i></p> <p>III. <i>An ſufficiat, ſi quis ſe ul-</i></p> | <p><i>mum ſupplizium meritum eſſe neget?</i></p> <p>IV. <i>An jure redemptionis ſua pretium ab Electore petijs Kaufungius?</i></p> |
|--|--|

I. Varia ſunt, quibus adſtrictis tanto ſcelere opem ferri videmus, ut pœnam plagij effugiant. Extinguitur erimen plagij, & cum eo pœna I. Morte rei, L. VI. D. de publ. judic. L. XV. §. III. D. ad SC. Turpill. L. II. L. III. C. ſi reus vel accuſ. mort. fuerit. Morte enim reus eximitur foro Judicis, & ſiſtitur foro Dei. Non tamen exceptionibus deſtituitur hæc regula, quas Theoric. Diſp. X. Colleg. Crim. th. VII. lit. A. congeſſit. II. Reſtitutione, & indulgentiâ Principis plagij pœna evitatur. Hæc enim invicem differunt, Pacius ad §. I. Inſt. quib. mod. jus poteſt. ſolvit. Porro reſtitutio non ſolùm fit à Principe, ſed & à Lege, D. Hahn. Obſ. ad D. de ſentent. paſſ. & reſtit. n. II. Hoc caſu reſtitutus bona tertio quaſita recuperat, cum illa reſtitutio juris ſit, adeoq; pleniffima. Illam quod concernit, etiamſi L. X. & tot. tit. C. de ſentent. paſſ. de ſupremo tantùm Principe loquatur, hodie tamen omnibus Imperij Principibus & Statibus idem jus eſt, Maxim. Fauſt ab Uſſchaffenburg in conſil. pro arar. cl. I. conſ. XLVI. ord.

CXXXV. modò limites haud excedant, D. Hahn. d. loc. n.  
 III. D. Joach. Schnobel. Disp. XXIV. ad D. §. XXVII. Sed  
 an etiam Magistratus in Civitatibus mero mixtoq; Im-  
 perio decorati pœnæ capitalis à lege impositæ delinquen-  
 quentibus gratiam facere possunt? Negat Henric. Bru-  
 ning. de variis universit. specieb. & jurib. th. XXIX. Con-  
 fer Theodoric. d. loc. lit. B. Id notandum, geminatum  
 delictum veniâ carere L. III. C. de episcop. audient. III. Ex-  
 pirat plagii pœna abolitione, IV. præscriptione XX anno-  
 rum, V. novo summi Principis in urbem aut provinciam  
 introitu, & occurso facinoroso, dum ad supplicium duci-  
 tur, factò, Theodor d. Disp. X th. VII. Subjicit D. Schno-  
 belius modis hisce tollendi pœnam sententiam absolutio-  
 riâ ex L. VII. §. II. D. de accusat. cap. VI. extr. eod. & trans-  
 actionem, adhibitâ distinctione L. XIX. C. de transact. Ad  
 explicationem hujus Legis conferent ea, quæ Andr. Fa-  
 chin. Lib. I. Controv. Jur. c. IIX. IX. egregiè disputat. Junge  
 Hahn. obs. ad D. de transaction. n. VI. ubi inter alia hisce  
 verbis utitur: *Cum transactiones hujusmodi sapius impedimento  
 sint Juldii in delictorum punitionibus, generaliter prohiberi possunt  
 omnes in scio Magistratu ne fiant.* Hos singulos abolendi cri-  
 minis tollendæq; pœnæ modos si mente agitaveris, nul-  
 lus eorum Kaufungiano plagio elidendo unquam appli-  
 cari potuit. Indulgentiam, vel restitutionem Principis  
 nō merebatur, qui quod in Principibus Imperij tanto sce-  
 lere ausus erat, in subditis impune ubi licere existimasset.

II. Allegari quidem solent adhuc aliæ extingvenda  
 pœnæ plagij, aliorumq; criminum, causæ, sed madidis &  
 natantibus rationibus suffultæ. Spectat huc compensa-  
 tio, animadversio in innocentem facta, uti & meretricis,  
 vel etiam honestæ puellæ condemnatum in matrimoniū  
 peten-

petentis intercessio. Quid si pœniteat reum admissi plagij? Nil juvat pœnitentia post admissum scelus ad impetrandam impunitatem. Quivis enim impune malefacta sualaturus esset, si pœnitentiam quovis modo profiteri sufficeret. Deus ipse non semper pœnitentiâ ductis remittit pœnam, quod vel Davidis exemplo apparet.

III. Ejusdem farinae est, quod de Kaufungio memorat Petrus Albinus: *Es soll sich Cuntz sehr entschuldiget haben, er hätte daß leben nicht verbüret, und konte mit recht nicht Gerichtet werden, und ob man Ihm gleich fürgebaltē, er wäre ein Plagiarius, hatt man Ihn doch nicht überreden können*, Chron. Misn. part. I. c. XXI. Inepta excusatio, quâ pœnâ plagij evitare conatus est plagiarius. Inter ea, quæ Natura ipsa dictat licita esse, & non iniqua, est & hoc, ut qui malè fecit, malè ferat. Hinc etiam ignorantia illâ juris nil profecit. Existimant quidē Legislatores arma magis, quàm jura scire milites, L. XXII. pr. C. de jur. delib. L. IX. §. I. D. de jur. & fact. ignorant. L. I. C. eod. sed hæc ignorantia in delictis, quæ publicam vindictam requirunt, illos minimè excusat. Hac ratione motus H. Grotius, milites obnoxios esse pœnæ ait, si vel in bello pudicitia fœminarum violaverint, Virginesq; signatas reddiderint, III. de I. P. & B. c. IV. n. XIX. Quamvis enim hujusmodi violatio pudicitia in bello non rarò fiat ex justo Dei judicio, Augustin. lib. I. de Civit. Dei c. XXIX. milites tamen inde non excusantur. Eleganter Bartholomæus Chassanæus part. IX. Catal. gloriæ mundi. confid. XXXIII: *Laudantur milites in castitate, quoniam casti esse debent. Inde stationes militum dicuntur castra à castrando, quasi castrata, vel casta, quod ibi castravi debet libido, & caste ibi vivebant milites antiqui, considerantes castitatem secum habere fortitudinem annexam, quam servarunt semper. ut pupillam oculi, juxta illud Poeticum in Georgicis:*

*Sed non ulla magis vires industria firmat,*

*Quàm venerem, & cæci stimulos avertere amoris.*

Imo ut ad id redeam, unde digressus sum, absurdè quisquam

dixerit, hunc militem esse, ac militaribus gaudere privilegijs, qui ignominie causâ jam ante missus L. XXVI. D. de testam. milit. stylum proscriptionis incurrit. Forſitan nobilitatem suam ostentavit Kaufungius, cujus intuitu pœnas nonnulli mitigari contendunt. Profecto nihil prædii conferre potuit nobilitas in crimine hoc enormi, uti colliges ex iis, quæ Josias Nolden de statu nobil. civil. eorumque, privilegijs cap. XII. §. I. congesſit. Cœterum non diffiteor, judicem sæpius errore, aut falso testimonio persuasum, vel pecuniâ corruptum, aut etiam odio accusati iniquè condemnare. Quod si hoc casu injustè gravatus ad Dei tribunal appellet, & Judicem iniquum ad vallem Josaphat citet, superstitionis nescia est illa appellatio, ut tradunt Johan. Nordermann. de jur. Principat. th. LI. Theodoric. Disp. X. Coll. Crim. th. V. lit. D. Christian. Liebenthal Exerc. XII. Col. leg. Polit. q. XI.

IV. Hoc superest, quod ad plagium permovit Kaufungium, nimirum denegata ab Electore & Lüttes refuſio. Sed quàm justè hanc petierit, tam accuratè explicuit Petr. Heigius, ut post illum mihi modestius sit tacere. Summa est, eum petiisse, quod nullo jure debebatur. De Romanis Bodinus: *Cum infiniti sint Romana virtutis ac fortitudinis exempla, tum verò nullum præclarium est ad munien- dos & confirmandos civium animos adversus hostium metum, quàm quod à Senatu decretum est, ne captivorum octo millia, quæ cladi Cannensi superſuerant, ullo pretio redimerentur, ut omnes intelligerent, aut vincendum, aut hosti misere serviendum esse, quâ quidem re Annibal sic animo fractus est & perterritus, ut deinceps de Romanæ victoriæ ullam se laturum desperaret* V. de Rep. c. V. De famulis scribit Steph. Gvazzus Lib. III. de Civili conversat. quod præter salarium honorarium sperent. Fallor an eadem spe Kaufungius sibi vanè blanditus fuerit. Castiganda illa importunitas hominum, qui quamvis sibi debita acceperint, ulteriora adhuc expectant, quibus non impetratis indignantur, & factam sibi putant injuriam.

Adeo

Adeo accipere plus potuisse injuriæ loco est. Eleganter Quintilianus declamat quintâ: *Iniquissima magnorum conditio meritorum est, si quisquid non fuerit adjectum, de prioribus perit, & pessimo exemplo gratiâ præteritis auferunt reliqua cessantia.* Alludunt istis Velleji Patreculi verba de percussoribus Cæsaris l. II. c. LVI: *Interemptus est Idibus Martiis conjurationis autoribus Bruto & Cassio, quorum alterum promittendo Consulatum non obligaverat, contra differendo Cassium offenderat* Pœna non defuit. Percussorum enim fere neq; triennio quicquam amplius supervixit, neq; suâ mortē defunctus est, C. Sveton. in Cæsar. c. LXXXIX. Confer Jac. Zevetotii Observat. Polit. ad Svetonii Cæsar. Fortean Kaufungius captivitatem suam Principi imputavit. Iniquissima sanè bellorum conditio, quod adversa Principi imputentur, Tacit. in vita Jul. Agricol. Imo & alias omnes adversitates Principi imputari solent, uti Jan. Gruter. in Discurs. supra Tacit. multorum exemplis declaravit. Præter Heigium part. II. qv. Jur. Civ. & Saxon. qv. XXXII. de redemptione captivorum consulendi erunt Grotius III. de J. P. & B. cap. XXI. Alberic. Gentil. II. de J. B. cap. XV.

## CAPUT V.

### Conclusio cum monitis ad subditos Principum.

- I. *Fides à subditis requiritur,  
& obsequium.*
- II. *Hicce mediis sibi concilians  
amorem Principum.*

I. Atq; hic finire me posse arbitror, non quod omnia dicta sint, quæ dici poterant, sed quod dictum satis sit pro ratione instituti mei. Converto me ad subditos, quos moneo, ne PRINCIPES suos, quos instar Patrum PLACIDOS nacti sūt, timeant, sed PRO PRINCIPIBUS. Varia impendent Procerū Familiis pericula,

pericula, variæ cōjurationes, plagæ, parricidia, veneficia, quæ,  
 si fides subditorum haud vacillet, Principes nihili æstimant. At  
 si subditos maleferiatos patiuntur, quidvis perfidie tentantes  
 contra suam, suorumq; salutem, dolorem ingentem necesse est  
 concipiant, & ad vindictam provolent. Caveant igitur subdi-  
 ti, ne qua durioris imperij culpa sint. Verè Alexander M. apud  
 Curtium lib. IIX: REGUM, DUCUMQUE CLEMENTIA NON  
 IN IPSORUM MODO, SED IN ILLORUM, QVI PARENT, INGE-  
 NIIS SITA EST. Cum apibus sanè (de quarum Republica ex-  
 tat tractatus Joh. Loccenii) melius actum iri arbitrer, si blandi-  
 ri, & admittere eos, à quibus aluntur & foventur, quàm infelici-  
 petere aculeis mallent. Nunc has castigant fumo, equos lasci-  
 vientes, & rebelles canes collaribus & franis trahunt invitos,  
 cum volentes duci nolint, Plutarch. in præcept. Polit. Ita præter  
 fidem obsequio mitigantur imperia!

II. Summa: Fides & obsequium subditis benivolentiam  
 Principum conciliant, & amorem, quem vix exæquet amor Pa-  
 rentum erga liberos. Orbitatis Alexandri cap. I. memini, quæ  
 illum contemptui exponebat. Idem tamen eodem libro sexto  
 statim subjicit: IN VOBIS (SUBDITI) LIBEROS, PARENTES,  
 CONSANGINEOS HABEO. VOBIS SALVIS ORBUS ESSE NON  
 POSSUM. Huc allusit Thomas Morus eleganti epigrammate;

*Princeps pius nunquam carebit liberis,*

*Totius est regni Pater.*

*Princeps abundat ergo felicissimus*

*Tot liberis, quot civibus.*

Imo quo tutior Princeps fuerit, eò securiores fore subditos no-  
 vimus. Inscribat hæc Deus (qui solus hoc potest) cordibus sub-  
 ditorum, & exsurgat mutuus inter PRINCIPES & SUBDITOS  
 amor, neq; opus unquam erit horrendis subditorum suppliciis!

PRINCEPS JUSTUS PATER EST  
 PATRIÆ!

I. *Crimen laesæ majestatis non committitur in Augustam; nisi ex odio in ipsum Principem concepto aliquid attentetur.*

II. *Adulterij reus est, quisquis alterius sponsam corrumperit.*

III. *Ob pœnitentiam assassinatoris, vel etiam assassini ante perpetratum scelus pœna ordinaria in mitiorem recte mutatur.*

IV. *Magicis artibus etsi quis prodesse velit, pœnas Legum incurrit.*

V. *Ex delicto familiae suæ obligatur Paterfam. puta si culpâ familiae incendium ortum sit circa officium commissum.*

VI. *Parricidio vindicando obstat præscriptio XX. annorum.*

VII. *Notarius non committit falsum, si instrumentum cõficiat nocturno tempore, & scribat in instrumento, hoc vel illo die actum esse.*

VIII. *Legatus, si sordide se gerat, reus sit criminis repetundarum.*

IX. *Com.*

IX. *Committitur crimen annonæ, si quis coemptas merces  
annanariæ supprimat, ex raritate & inopia carita-  
tem affectans.*

X. *Qui tabulam æneam, leges, formamve agrorum, aut  
aliud quid continentem resigit, vel quid indematat,  
Lege Juliâ peculatus tenetur.*

XI. *Qui novum vectigal instituit, Lege Juliâ de ambi-  
tu tenetur.*

XII. *Qui Principum bona suo periculo administrant, &  
fraudulenter quicquam detrahunt, rei sunt L. Ju-  
liæ de residuis, & de furto quoq; tenentur.*

TANTUM!

